

HYMNUS
TABACI,
AUTORE
RAPHAELE
THORIO.

Editio Nova, Multò Emendatior.



LONDINI,
Excudebat T. N. pro Hum. Moseley, apud
insignia Principis in Cœmiterio D. Pauli.

1651.

HYMNUS
ABACUS

THOR

H
à
po
su
ic
ep
dan
din
Ca
He
ac
ub
not
tri



LECTORI.


Blennium fere est, Amice Lector, ex quo veuustissimum de Pato opus, à quibusdam tamen, vel incuriâ, vel potius inscitiâ, distortum, neq; parvâ sui parte mutilum, in manus nostras incidit: quod cum plurimorum calculo approbaretur, & exquisitissimis quorundam se palatis approbasset, nullo modo diutius premendum nobis videbatur. Ceterum cum emendatius exemplar hæcenus deesset, ab Autore, licet nec de facie tum nobis noto, petere illud non eubui. Qui, ut est mirificè humanus, voto ac petitioni nostræ protinus subscripsit. Itaque exemplar, partim ad in-

cudem revocatum, partim media plus
parte auctum, ad nos misit. Cui co-
mites, festivitatis atque urbanitatis
plenissimas, adjunxit: literas nimirum;
quas editioni huic si praestationis vice
in ipso limine praemitterem, neque abs-
re, neque abs argumento alienum me fa-
cturum arbitrabar. Absit enim, ut la-
bores aliorum mihi putide adscribam:
absit ut vel in mustaceo laureolam, vel
gloriam ex fumo quaeram. Autor operis
est Raphael Thorius, ut Medicus, si-
quisquam hodie, praclarus, ita & Po-
eta non vulgaris. Argumentum quidem
leve ac ludicrum videtur, verum quod
à tali Medico tractatum, non delectat
modò, sed & docet. Nisi si quis viro
summo Fracastorio Siphyliden objicere
audet, qui ex argumento prope infami
famam

famam sibi peperit: & talem quidem,
 qualem nec ex arte Medicâ, si eruditis
 fides hic habenda: nisi quod & ex ea-
 dem arte illud, cum qua felicissimè poë-
 sin junxit. Pati originem acceptam
 Baccho ferri hic videbis: quam apposi-
 te, non possunt, nisi fallor, ignorare, qui
 Plerumque alternis admiscunt pocu-
 la fumis. Tu, Lector, fave operi ac
 fruiere, & ubi interiore Pati nota a-
 nimus subinde recreaveris, versiculi
 istius memor esto,

Ufus habet laudem, crimen abusus
 habet.

LUD. à KINSCHOT.



Raphael Thorius

D. LUDOVICO
à KINSCHOT S.P.

PRO tam insperato bono gratias ago,
ut possam, maximas, Vir Clariss. non
tibi tantum, sed & viris magnis D. D.
Rutgersio & Heinsio, quod inter vos opi-
parè sum epulatus; non ut conviva solum,
sed etiam ut parochus: siquidem ex lusi-
bus meis accessit aliquid vestrae festivitati.
Nunquam equidem speraveram tam dex-
trum in illo pœmatio Apollinem, ut tali-
bus palatis placeret, nec ut sedecim anno-
rum ætatem ferret fœtus in auras temerè
projectus, non consilio conceptus, non cura
tormatus. Quando tamen bono suo fato
tam amicos invenit susceptores, non frau-
dabo illum sui genii beneficio, nec vos ve-
stra expectatione. Immo vero liberalius
agam

agam cum liberalibus; adjuncto fratre juniore paulo curiosius composito. Utrumq; vestro omnium arbitrio expono, & permitto. Edite in lucem, quando putatis placere posse: sed editum foveate, patri, ut coepistis, favete, & contra Catonum censuram defendite ludentem inter pueros senem. Quod autem rem aliis amicis negatam vobis concedo, rationes fuerunt locus & personæ. Crimen hîc est inter nos esse Poëtam, nec sani cerebri habetur qui post primam lanuginem in Parnasso somniat. Vobis istic alia est sententia, quibus placent Musæ etiam cum sua canitie: qui delirii accersitum Sophoclem lectâ ejus tragœdiâ absolvitis. Porro in hoc literarum genere Reges cum sitis, meritò Judicum partes sustinetis, ut nemo audeat vestris arbitriis derogare. Atque hoc me in periculosa alea consolatur, quod quem semel vestro calculo approbaveritis, nemo audebit condemnare. Tibi verò, Vir præstantissime, iterum atque iterum gratias ago, quod de facie ignotum tam amicè compellasti, quod

me tuo amore dignum putasti, quod denique foetus miselli curam subire dignaris. Ut referam, nil aliud possum, quàm ut petitioni tuæ subscribam, quod lubens volens facio. Mitto igitur priorem Hymnum correctum: cui, adaucta supellectile, secundum adjunxi. Mallem utrumq; inscribi Libri nomine, quàm Hymni. Cæterum magis sollicitè excusarem hujus operæ levitatem, nisi argumentum cum arte mea conveniret. Utut sit, nunquam poenitebit tantis auctoribus in scenam prodiisse. Epigramma tuum elegantissimum in fronte apparere gaudebo, ad operis & opificis ornamentum: qui tibi in hoc amicitiae vestibulo animum & manum in pignus alteræ sinceritatis porrigit. Vale. Londini 18 Febr. 1625.

CASTO.



CASTORIS DURANTIS, MEDICI,
Civisque Romani, in Tabacum Herbam, ex Lu-
sitaniam ab Illustr. Card. S. Crucis Romam
asportatam Epigramma.

Nomine quæ sanctæ Crucis Herba vocatur oculis
Subvenit, & sanat plagas, & vulnera jungit :
Discutit & strumas, cancerum, cancrôsque sanat
Ulcerâ, & ambustis prodest, scabiêmque repellit,
Discutit & morbum cui cessit ab Impete nomen ,
Calfacit, & siccât, stringit, mundâtq; resolvitque,
Et dentum, & ventris mulcet capitisque dolores.
Subvenit antiquæ tussi, stomachoque rigenti
Renibus & spleni confert, uteroque venena
Dira sagittarum domat, ictibus omnibus atris
Hæc eadem prodest, gingivis proficit, atque
Conciliat somnum, nuda ossaque carne revestit :
Thoracis vitii prodest, pulmonis icêmque,
Quæ duo sic præstat non ulla potentior Herba.
Hanc Sancta crucis Prosper, cum Nuncius esset
Sedis Apostolicæ Lusitanas missus in oras,
Huc asportavit Romanæ ad commoda gentis,
Ut Proavi sanctæ lignum Crucis ante tulere,
Omnis Christiadam quò nunc Respublica gaudet,
Et sanctæ Crucis illustris domus ista vacatur,
Corporis atque animæ nostræ studiosa salutis.

Omni-



Omnibus Pæti-Sugis.

MOrbifuga vires planta, miracula stirpis
Cælitus ostensa, partes diducit in omnes
Thorius, & primo fumos orditur ab ovo.
Vos quibus ad Patum vigilanti stertere naso,
Fumigerisque placet replere vaporibus auras,
Ore favete omnes. Cælo delabitur alto
Planta beata, udo non aspernanda cerebro;
Scilicet in medijs habitat vis enthea fumis,
Et parvo ingentes clauduntur cortice vires.
Ludicra narrantur; sed & hæc quoque seria ducunt,
Veraque sub ficto latitat sapientia Pæto.

LUD. à KINSCHOT.

In



In Patologiam
Doctissimi Raph. Thorij
D. M.

Amici intimi.

Quod jam summa procul villarum culmina fumant,

Quod fumos bibit omnis ager, bibit omnis ab Aula
 Ad caulam fumosa domus, quod pascere fumos

Fumosos equitum cum Dictatore magistros,

Quod pueros fumare juvat, fumare puellas,

Mollius indignor : quin tecum ignosco puellis

Et pueris, aulis, caulis, equitumque Magistris.

Prime pater Pati, fumantum gloria THORI,

Non fumum ex fulgore, sed ex fumo dare lucem

Sedule ; Te pratore magis lippire decenter

Quam lachrymâ ridente putant ; jucunda cuique

Te Medico tussis cui nec pituita molesta est,

Creditur instantes membris emungere morbos.

At mihi quod sacra latet in vertigine multo

Pracipuum est ; Hos te calices fecisse disertum :

Hæc

*Hac aliquid certe fumo facundia debet.
 Facundi calices, felix vertigo, saliva
 Nobilis, insignes lachryma, gratissima tussis.
 Me quoque, si parcè videor laudare merentes
 Insolitas calicumque super praconia laudes,
 Me quoque vicinis afflatum credite fumis,
 Et sicco titubare mero; brevis iste futurus
 Est furor: exierit sensim vesania primi
 Turbinis, aggrediar stabilis de nare repenti
 Fundere cum fumis qua vos per sacula veſtent
 Verba vetentque mori, nolint Jovis ira vel ignes.*

*Profumi! sed & hic furor est; ignoscite vobis,
 Fumosoque mihi: cesssem fumare, tasebo
 Sobrius, & sapiam, labris encomia, linguâ,
 Dentibus occludam: quid enim, si THOR IUS unum
 Arguit ipse sui reliquum fecisse stuporem?*



IN E A N D E M.

C Armina spūtantur fumi potoribus, audi
 Massilia si quem fumea vina juvant,
 THOR IUS exemplo docuit spumantia multum
 Pocula, fumantes omnia posse tubos.

CONSTANTER.

Raphaelis



Raphaelis Thorii

DE PÆTO SEU
TABACO

Liber Primus.

INnocuos calices, & amicam vatibus herbam,
Vimque datam folio, & læti miracula fumi
Aggredior. Tu qui censu decoratus Equestri
Virtutem titulis, titulos virtutibus ornas,
Antiquum & Phœbi nato promittis honorem,
Tu Paddæ fave : nec enim præstantior alter
Morbifugæ varias vires agnoscere plantæ,
Inque tubo genitas haurire & reddere nubes.

Da puer accensum selecto fictile Pato,
Ut Phœbum ore bibam : quis enim sine sumine Pati
Digna canat Pato, & tantis se comparer ausis ?

Non inventa homini humanos adolevit in usus
Nobilis herba, patri sed primùm visa Lyæo,
Cum madidus siccos thyrsos subduceret Indos,
Notuit, ad seros & claruit inde nepotes.

Forte

Forte per astatem tésquis arentibus hostes
 Norat in insidiis meditari prælia Bacchus,
 Arma jubet celerésque jugo subungere Lynces,
 Bassaridásque sequi; Silenum accedere curru
 Mandat & in pugnam totis exardet habenis.
 Pone sequebantur lixæ jumentáq; multo
 Tarda onere, & lentis congesta viatica plaustris,
 Et claudus senio Sileni vector Asellus:
 Dúmque volat furiata phalanx, inimicáque quarit
 Agmina, per vastas & lassa vagatur arenas,
 Dira fames, urgétque sitis, defectáque succo
 Membra labant, desunt ipsi sua munera Baccho;
 Amphora Sileni curru subversa jacebat
 Amplo exhausta sinu; sitienti ambusta dehiscunt
 Ora Seni, ardentes dum ducit hiatibus auras:
 Mænades, & Satyri, multúmque proterva juvenus
 Impatiens scrutatur aquas per viscera terræ,
 Nequicquam; de se tandem sibi pocula quærunt,
 Et falsum potant, quem dat vesica, liquorem;
 Pocula spurca nimis; sed & hæc quoq; pocula desunt
 Increfcente siti, venis & deficit humor.
 Spes tum accisa omnis, faciésq; miserrima rerum
 Apparet; costas alii de faucibus atris
 Exhalant animas: alii per mutua fundunt
 Vulnera, quem rapiant antè ultima fata, cruorem.
 Jáque acies moribunda cadit, quum valle remota
 Eminus obscuri facies confusa vireti
 Visibus occurrit dubiis: túmque Evius altum

inclamans; duremus, ait, tantisper in armis,
O Socii, optatam vicina in valle salutem
Aspicio: hic lentos toto conamine gressus
Accelerant, renuuntq; mori, venasque supremo
Sanguine manantes, animæ spiracula claudunt,
Utque propinquabant, altis se prodit opacum
Stipitibus nemus, & foliis spectabile vastis.
Euge! meis, clamat, cognatam vitibus herbam
Agnosco, munusque Deum; sed plura volenti
Surda manus, latas tenero de caudice frondes
Carpit, & ignoto latrantia viscera succo
Demulcet; viridis stillat sub dentibus humor.
Non tamen oblatas Sileni provida virtus
Præcipiti vorat ore dapes, sed cautior usu
Hæret ab exemplo documenta abstemius optans.
Nec mora: quis patulis lateat sub frondibus error,
Eventus docuit: totis (mirabile) castris
Evomitur, caditúrque; velut cum gurgite pleno
Ingruit admissi miranda potentia Bacchi;
Volvitur in gyrum tellus, cælúmque videtur
Nubibus adductis surgenti occurrere terræ:
Tum sopor obrepat, somnique invicta cupido
Germanam dubia prælagit imagine mortem;
Capripedes mediis diffusos stertere arenis
Cernere erat, disjecta solo defessa furentum
Membra Mimallonidum devota jacere sepulcro.
Mox ubi discusso longi languore veterani
Plenior ex adytis in singula membra recurrit

Spiritus

Spititus, amissæ redierunt corpore vires
Surgere tunc alacres pedibúsque insistere firmis,
Et fulgere oculis, thyrsúmque vibrare lacertis
Fortibus, absentesq; laceßere vocibus hostes.

Attonitus monstro, non huc sine numine, amici,
Appulimus, Silenus ait: nec dona Deorum
Despicite, ingenitas vires, nec nomina Bacchi,
Nec pudeat certa salvos à morte fateri
Cœlitus ostenso vitam debere Tabaco :
Advenisset enim languentibus integer hostis,
Victa siti manus hæc cecidisset victima ferro,
Tinctaque venisset victoria sanguine nullo;
Nunc veniat, validásq; manus animósq; viriles
Sentiat, &, si mens suadet, fera prælia tentet :
Sed rationis opus; superum nec munera cœco
Contemeranda usu, si quid sapit ista senectus,
Viribus eximiis permistum in stirpe venenum
Delitet : in ventrem virides ne mittite succos,
Mandite nec folia ingestis confusa salivis :
Virus inest crudis : æstivo Sole recocta
Credibile est tutos præbere halatibus haustus;
Nec ventri, ac cerebro (si tecta evolvere fas est)
Pabula grata reor, subtilibus eruta fumis.
Quare agite, O juvenes, tam digni muneris aptos
Ingenio, & rapidis extundite mentibus usus.
Dux ego vester ero; quid mēns dictaverit, omnes
Accipite; arentes prolixa uredine frondes
Comminui manibus jubeo, cannáq; reponi,

Protinus educto radiis solaribus igne
Contingi, & positis aduersa parte labellis
Exsucti calidas nubes adducere fumi,
Ocyus ut possint cerebri pervadere flexus,
Vinosiq; leves recreare vaporibus auras.

Dixerat: hinc Satyri teretes aptare cicutas;
Deciduas alii sicca fuscidine frondes
Frangere: pars tubulos arsuero pulvere complet,
Pars stricto ore trahit (risumq; sodalibus affert)
Pulvercum flumen, tussésq; inducit iniquas.
Ipse pater fremitus vana & conamina risit.
Igne carent, ignem votis ardentibus optant.
Ecce Senex densum, quod habebat mantica, vittum
Depromit, vafri inventum subtile Promethei
Furati æternas cœli de fornice flammæ.
Hic latet ignis, ait: suscepto & Sole rotundum
Molliter acclivi depressum in vertice centri
Frondebis admovit Phœbo penetrabile vitrum.
Cuspide in morem radiis concurritur, auctus
Inde calor sensim serpit, fomentaq; circum
Arripit, & fumo vicinum nuntiat ignem.

Applaudunt Satyri fauniq; senemq; magistrum
Attollunt humeris, vocésq; ad sidera tollunt;
Ipse cavam ante omnes accommodat ore cicutam,
Leniter adducit nebula mirabilis haustus,
Et ductos patulis fumos è naribus afflat.
Nec mora, per motus subita dulcedine, toto
Corpore diffusum sentit gestare vigorem,

B

Ut

Ut solet à noti fœcundo flumine Bacchi
Serpere paulatim non intellecta voluptas.
Ora madent : non salsa sitis, non vexat acerba
Esuries, vomitûsve: levi vertigine tantum
Crura vacillare, & supremam udescere frontem
Percipit, illæsus sed & hæc vanescere gaudet.

Tum vacuus densa Pati porrectus in umbra,
Omnigenum ut patuit fœcunda scientia rerum,
Dulcibus absomit lentas sermonibus horas,
Explicat ingentes opulentæ mentis acervos,
Ludenti & similis Naturæ arcana recludit,
Implicitos memorat sphaeris cœlestibus orbes,
Compagémque hominis, terræ & miracula pandit,
Addit & oraclis docti libamina fumi.

Fumantem sequitur circum diffusa juvenus,
Ipsa novis operata tubis, fumoque fragranti;
At rudis ora vomit naso reddenda patente
Nubila cum multa tussi lachrymisque jocosis,
Ridicula appressis animam quæ claudere labris
Nescit, pèrque cavas iterum depellere nares;
Docta sed exemplo grandævum aquare magistrum
Efflando satagit, replétque vaporibus auras;
Dúmque hilares animis læta vitulantur in herba,
Ecce venit fessis longum expectata ministris.

Annona, & multo ferventia dolia vino.

Clamores geminant, versisque ad cantica cannis
Gaudia agunt, epulisque favent, multúmque vocatis
Jumentis, reducique lenis gratantur Asello :

Indul.

DE PÆTO LIB. I.

7

Indulgent Cereri primò, tum Massica libant,
Viteaque admistis alternant pocula fumis;
Cuncta fremunt fumo, cantu, mistisque choræis,
Donec dulcem oculis fudit nox alta soporem.

Postera ut illuxit latis aurora, ferique
Admonuit belli securas pace phalange;
Lenæus pater, & Sileni cana senectus
Extimulant; si quos festivi hesternæ diei
Fregit luxuries, animosque hortatibus addunt.
Sat poclis genioque datum; nunc prælia mentes
Sollicitant; positas assumite vultibus iras,
Et forte instanti dextras componite pugnae,
Nec vigil incautè palantibus ingruat hostis,
Et cadat ipsa suas cades non ulta juvenus.
Nec virtus equidem nobis incognita vestra est,
O Socii, magnis neque non confidimus ausis,
Sed nocet ignavas quamvis contemnere turmas,
Securosque mali ignotos incedere terris.
Impavidi ergo animis sedato insistite gressu,
Neu mala nos iterum letho penuria mulctet;
Agmine composito lenti procedite, Pæto
Non sine contrito promptisque ad labra cicutis;
Et levibus fungis, servato & restibus igne;
Hoc animi surgent ad prælia, nubibus istis
Prodigiisque nova specie terrebitur hostis.
Este viri, famam & factis sperate perennem.
Dixerat: assensum properant applausibus omnes,
Et sibi quisque suo stationem corpore servat.

Arduus in curru medio pater agmine Bacchus
 Eminent, impexi tergo Silenus aſelli
 It comes, haud ejuſdem bellax, nec idoneus armis,
 At bonus eloquio, & ſubitis dare tuta periclis
 Conſilia: æquales utrimq; excurrit in alas
 Denſa acies, hoſtémq; animis pugnacibus optat;
 Nec procul hoſtis abeſt: vicini vertice montis
 Oppoſito emergit, ſummisq; haſtilibus extat.
 Baſſaridis calido ferveſcit pectore ſanguis,
 Ærea ſiſtra manu quatiunt, & tympana pulſant,
 Vino acuunt iras reſides, hauſtôq; Tabaco
 Excludunt lethi faciem, ſuaque agmina circum
 Nube tegunt atra: ſpirantes naribus ignem
 Procedunt: medio glomeratur in æquore nimbus
 Igne micans, tonitruq; fero, fumôq; ſtupendus.
 Oſtento attonitos ſubitus pavor occupat Indos,
 Non homines ſed furva rati de faucibus Orci
 Numina, conſternati animo certamen iniquum
 Detrectant trucibûſq; timent conſligere monſtris.
 Pars fugit, & poſitis quærunt velocius armis,
 Quam dare victoris mallet clementia, vitam;
 Pars orat veniam, parere & juffa modestis
 Imperiis patiente jugum cervice capeſſit;
 Sed pudet erroris, ſtulta & formidine factos
 Extimuiſſe piget vani ſufflamina ſumi;
 Libertate dolent ſerva; ſolatur at illos
 Indulgentis heri condita lepore poteſtas,
 Et victoris amor: ſimili discrimine victos

Victo-

Victorésq; videt bellis utrinque remissis
Una dies miscere epulas, Bacchúmq; ciere,
Et simul alternis fumum potare cicutis;
Mirantur bona nata domi, nec nota queruntur,
Et nebulas animi jucundis nubibus arcent.

Atque hæc prima fuit mortales stirpis in usus
Notitia, hæc late noti conabula fumi.

Jam quæ vis lateat plantæ, quibus apta bitendo
Corporibus, quibus & pugnet contraria morbis,
Musa refer, geniúmq; novo concede labori.

In primis non una subest natura stupendo
In folio: adversis dives virtutibus omnem
Exuperare fidem gaudet, stirpésq; beatas
Provocat: hellebori robur, rheabarbara duras
Solve re nata alvos, facientem gaudia vitem,
Balsama vulneribus laudata, fabámq; suillam,
Nepenthésq; animi mulsu, gravidumq; papaver,
Magna Dei virtus, quæ tot miracula rerum
Semini exigui tantillo cortice clausit!

Quod licet haud superet cineris, vel lavis arenæ
Fallentis digitum, & numerantia lumina, molem,
Mox dabit ingentem frondoso tegmine sylvam,
Et certa in dubiis promet medicamina morbis.

Quod si quis tantas rimari indagine causas
Aggreditur, multum immansi sub pendere sudet,
Seu diversa Salis miræ substantia plantæ
Compositum esse dedit, multis & dotibus auxit,
Seu simplex variis obnoxia casibus una

Materies alios pro mole & tempore vultus
Induit, atq; aliter distincta in corpora regnat,
Natura latet in gremio, nec cernere pronum est.
Si tamen exemplis libeat velut indice filo
Ire per anfractus dubios errore viarum,
Inque sibi similes Totum dissolvere partes,
Forſitan occurrer, quo mens placata quiescat,
Et si non verum, at veri illuceſcat imago.

Quicquid ineſt rebus ſapidum, diſcernere guſtus
Quod valet, id ſalis omne ſolet de nomine dici;
At gemina eſt natura ſalis; vel funditus hæret
Corporeæ moli, ad ſuperas nec tollitur auras
Suppoſitis flammis, cineri ſed figitur acri;
Dictus & hinc fixus: levior vel ab igne ſolutus
In ſublime volat fumo ſubveſtus amico,
Accreſcitque apici in morem fuliginis atræ;
Inde Sophis à re ſal ille volatilis audit.
Hic aliud memori occurrir ratione tenendum,
Viſcera quod terræ ſalibus prægnantia multis
ſtirpibus innatis fœcunda alimenta miniſtrant,
Ut ſua cuique trahit proprium natura fluorem.
Fructibus hinc ſapor accedit, hinc floribus omnis
Spirat odor, retinētque ſui veſtigia ſucci.
At tellure latent penitus confuſa cavernis
Sulfurei latices, nitri glacialis amaror,
Lethale arſenicum, flammis affine bitumen,
Argenti liquor in fœdam reſolubilis auram,
Chalcantūmque acidum, linguaq; aſtrictor alumen,
Atque

Atque alia innumeros factura elementa saporēs.

Si quis jam excutiat prolixo carmine, de tot
Principiis cui accepta ferat sua munera Pætum,
Comperiet tanto dignum sudore bitumen,
Cujus in eximia species supereminet herba,
Pingue, olidum, acre, tenax, nitro sublime volanti,
Ignis amans, crassâque ferens fuligine fumum.
His pictam in tabula quicumque coloribus herbam
Non videt, hunc oculis captum & rationis egentem
Crediderim: quid enim magis aspectabile? dextram
Trita oleo fœdat, digitos & glutine viscat,
Et solidat crudum lento ferrumine vulnus,
Sorditiem ulceribus falsugine terget amara,
Nec putrere finit; sensum nam fancibus acrem
Impingit, longumque relinquit in ore calorem.
Latè fusus odor virosa vividus aura
Dissipat ignavum cerebro torpente veternum,
Siccatur & illuviem eductis sternumine mucis.
Denique in æreum flammis conversa vaporem
Fœta salis vivi, superâsque volantis ad arces
Pervia spiritibus mentis capitolia scandens,
Supplementa nova exhaustis animalibus infert,
Atque hebetes subito restaurat acumine mentes.

Planta beata! decus terrarum, munus Olympi!
Non tantum agricolis duro lassata labore
Membra levas, inuis victus absentis amorem,
Fundis & absque cibo sparsas in corpora vires;
Sed radium speciménque Dei sapientibus ipsis

Ingenium illustras, si quando aut multa tenebras
 Colligit ingluvies cerebro, aut nolimine longo
 Intellectus hiat, rerum neque concipit umbras,
 Conceptasve tener, vel cæca oblivia regnant;
 Ut semel irrepfit blando lux indita fumo,
 Aufugiunt nubes atra, curæq; tenaces.
 Vismicat inventrix, dempto velut obice veli
 Tota oculis animi patet ampli machina mundi,
 Aeternæ species naturæ ex ordine nexæ
 Succedunt, redeuntq; suis simulacra figuris.

O quoties visus magna spectante corona
 Orator populi cupidas dicturus ad aures
 Contremuisse metu, docti sermonis acervos
 Confudisse locis, lingua & silvisse rigenti,
 Quum memor ex tantis opibus sopita facultas
 Nil daret in vocem, sed res & verba negaret,
 Si modò vel micam generosa è stirpe vorasset
 Fumanti tubulo, accenso seu lumine, sensim
 Res reperisse suas, prendisse fugacia verba,
 Thesaurósq; animi populo exposuisse stupenti !

Si duo præterea Stagira in pulvere docto
 Laudis amore novo, verive cupidine pulsi,
 Pugnam agitant, verbis & digladiantur acutis :
 Omne animi intendunt robur, nervósq; fatigant
 Nexibus impediunt cautum ut subtilibus hostem,
 Aut validum incusso rationum pondere sternant.
 Stat circum pæbes, pulchri & certaminis æquus
 Arbitr ingenii æquales utrimque lacertos

Miran-

Mirantur, crebris vires applausibus augent.
Tandem obtusa acie, ut fessis deferbuit ardor,
Lentior & validos insultus lucta remisit,
Sorbeat alteruter, sacrum reflétq; vaporem,
Illicet ut tactâ Antæus tellure, resurgit
Firmior, exhaustumque recens grassatur in hostem :
Jejunus cadit, at sequitur victoria potum.
Sin utrique placet nova de suffimine tela
Arripere, & calidam verbis producere pugnam :
Tum videas paribus momentis prælia sæva
Eventu dubio in multam crudescere noctem ;
Nec prius argutis discedere ab ictibus ambos,
Indefinitam abscondant quam tædia litem
Judicis incerti, palmæ cui præmia donet.

Sic quondam Iliaco bello par nobile fratrum
Asclepii sanguis Podalyrius atq; Machaon
Fertur ab Atride indictum certamen amicis
Suscepisse odiis plantæ de laudibus Indæ.

Damnabat Senior linguâ tenus intus amatam,
Dissimulans veros sermonis acumine sensus :
Junior in fratrem jaculis ardentibus ibat,
Et pro dilecta pugnabat serius herba.


Cordatam ante tubam potarat uterq; Tabaci
Impiger ingenium præclaro accendere fumo,
Et mucronatis mentem gravidare sagittis.
Multa hinc inde agili vibrata hastilia lingua,
Multa retorta iterum, crepero nec pausa duello
Ulla fuit nisi quam fumi dabat haustus amœni ;

Unde

Unde renascentes stabant ad prælia nervi,
Inviçsusque furor carum prostrernere fratrem,
Donec inexhaustis crescentes viribus iras
Ancipitem & litem sententia magna diremit
Regis inauditæ gaudentis honore palestræ :
Robore sic proprio ceciditque stetitque Tabacum,
Et nunc de fumo gravibus confligitur armis.
U que adeo nil scire datur dubitabile quod non
Ingenii faciat cita vis & gratia linguæ.

Sed me perplexi ingressum spineta Lycæi
Pensi alio textura vocat; quibus herba salubris
Principiis conlter, vero mihi carmine dictum est;
Nunc quibus illa viris faveat, quibus illa resistat,
Quosque ferat, pellâtq; agro de corpore morbos
Expediam, simul ut calicem siccavero Pæti,
Ædibus & vacuis succreverit aucta supellex.

Raphaelis



Raphaelis Ther. i

DE PÆTO SEU
TABACO

Liber Secundus.

Tollite vos ignem, tubulósq;: sat ætheris haustū
est :

Dum calet ingenium, dum sensibus integra vivis
Versantur simulacra, fidem exolvamus amicis ;
Odimus immemores; mundum nec pascere fumo
Aggredimur, vanos aut ampullare per orsus :
Instat segnities, & Phœbo invisā senectus
Tristibus impallens curis divortia Cirrhæ
Mandat, & extremum Musis offerre laborem.

Dicite Pierides, domitis quæ gesserit Indis
Liber, ut immanes populos moderamine legum
Mollierit placidus, quernósque ligonibus enses,
Et truculenta levi mutarit ferula Tabaco:
Ut mores, geniūmq; pater Silenus amœnæ
Stirpis, & innumeros ludens evolverit usus :
Forſitan hæc qui vos biſido de monte per æquor

Tran-

Transtulit auratam Boreæ regnator in aulam,
Audiet, &, tanto si non indigna parentæ
Funditis, innatum quanquam averfatur odorem,
Vestris perfusum violis, animâq; suavi
Inter pulvillos variata mente reponet.

Ut sedit folio Victor, non tristibus armis
Saviit in vitam vel opes nec durus ab ictis
Indigenis statuit dominos, nec more tyranno
Optavi metui, metuit non ipse timentes ;
Lenibus alloquiis, & majestate remissâ
Partus amor populi, facilis clementia mores
Erudiit, glebâmq; jugo parere suavit :
Terra feris infamis erat, Lyncésq;, lupiq;,
Tigres & celeres pardi, mistiq; Leones,
Impunè insidias pecoriq; virisq; parabant,
Tollere nec cladem intentis in mutua bella
Cura fuit, major sed erat meliôrq; voluptas
Finitimos flammis vexare & cœdibus agros,
Et coctos calidis hostes apponere mensis.
Non tulit immanem ingluviem, qui temperat æstus,
Sanguinis inque siti pacis suffundit amorem;
Vastitiem lustrare cupit, regésq; cruentos
Visere, & ingenuas crassis dare mentibus arres.
Assumit numero è magno, quos indolis esse
Sciverat urbânæ, calicum sed largior usus
Vitaque liberior, nervisq; inimica libido
Fecerat effatos, at nobilis aura Tabaci
Compositusq; labor, cœliq; nitentior haustus

Sensim reddiderat reparatis viribus ægros.
Amphoriam, Balanumq; legit, comemq; Neandrum,
Jucundos comites, totidem quibus addit amœna
Fronte viros, luscum Pelian, geniūq; sagacis
Idmona, cærulei ridendum tubere nasi,
Pauperis & barbæ metuentem scommata Trullum.
Hærebat fociis, & clam post terga subibat
Olim gratus Aper, casu sed surdus iniquo
Non adeo, ut solitus, suavis comes, atq; facetus,
Jussus abire manu, invitus sub tecta rediit.

Regulus Hamatoës, quos non truculentior alter
Vicinos capere, & captos prandere, tenebat
Non procul imperium vastis inclusus in antris,
Tyrpis ubi laniena fuit; juvenumq; senumq;
Corpora victa jacent stabulis, pinguiq; polenta
Ingratam cumulant in gaudia dira saginam:
Huc canibus, jaculisq; plagisq; sequentibus omne
Cornicinum sonitu & mittis latratibus agmen
Vertit iter, nec longe aberat domus atra Tyranni,
Qualem Dis habitat: primo venientibus antri
Os immane patet; congestis ossibus albet
Limen, & affixis apparent culmina tectis,
Consitus ut scolymis horrescit edulibus hortus:
Quum capita in squamas longis crevere medullis.
Forte dies genialis erat, Lapithæq; repostis
Instruere altilibus convivia lauta parabant.
Agminis ad strepitum cavea caput exiit Heros
Mulleus, & virides exponit vertice plumas:

Mox

Mox refugit visis, venit alter, & alter, & antri
 Interiora petunt, nec portam veſte parato
 Claudere, nec miram meminere excludere gentem :
 Dum tenet attonitos cæcus timor, ilicet Idmon
 Primus in ignotos audet penetrare recessus,
 Cum cane naſuto : ſequitur mox cætera pubes
 Palpans in tenebris, niſi qua per ſumma receptus
 Tecta viam oſtendit ſub opaco lumine ſplendor,
 Silenus medio, extremo tutiſſimus Evan :
 Perveniunt tandem, ducit quo nidor, in aulam
 Ferventem fremitu, facies ubi dira culinae
 Perculit ingreſſos primo, plenique lebetes
 Fumantum capitum, verubúſq; infixæ columnis
 Multa virum femora, & ſtillantes lancibus armi ;
 Fœmineiq; coqui cinctis circum ilia peplis.
 Non procul in clathris porcorum more jacebant
 Corpora dena virum feſto ſervata propinquo,
 Dum creſcant adipēs, lacrymis quos Liber obortis
 Præterit. Hæmatoëm attenta dum nare Moloffi
 Veſtigat, penitóq; latentem affatur in antro,
 Surge miſer, vultuſq; hominum conſueſce tueri :
 Venimus innocui, cædes nec cædibus iſtas
 Ulciſci eſt animus ; veniam donamus avitis
 Ritibus, & placidos gerimus ſine ſanguine mores.
 Si cruor eſt cordi, pugnandi & tanta libido,
 Bella moveſte feris, armento arcete leones :
 Parcite vicinis, turpes nec ventribus eſcas
 Indite, nec fœdis poſtes ornate trophæis.

Non est illa lupis rabies : non tigride tigris
Pascitur, irato nec fit leo cœna leoni :
Tollite ferales epulas, & condite terra
Tristes reliquias, dapibusq; fruamur honestis.
Ille nihil clarum; obscuros modo gutture mittit
Grunnitus, torvumq; tuens, non sponte monenti
Obsequitur, pavidolq; jubet parere clientes :
Tumq; abit annona infelix, meliore parata
Succedunt verubus jucunda obsonia mundis
Cervorumq; suumq; tori, leporésq; anatesque
Venantum, & quicquid dederat labor.
Advolvuntur humi (nec enim conjungere mensas
Hora dabat) Bacchus primum vetulusq; magister,
Tertius Hæmatoës; nullo mox ordine seni
Procumbunt comites, tum picti terga sodales.
Fata juvent; nunquam dextras junxisse fideles
Pœniteat (rex Liber ait) scelicia sint hæc
Fœderis incepti primordia: ponite amici
Ritus immundos, facilq; assuescite vitæ :
Tumq; adeo, subitos aditus, nec libera, frater,
Condemna alloquia ingenui firmamen amoris;
Proderit hoc olim hospitium, nec vestra juvenus
Utile subsidium vitæ didicisse dolebit :
Hoc tu pignus habe, quo nullum sanctius optes.
Dixit, & undantem vino cratera recenti
Impiger exhaurit, secto quod palmite nuper
Arboris aërea repetito effluxerat ictu,
Utribus & plenis stabat prope : suscipit ingens

Bellua .

Bellua, & epoto miserorum sanguine, tetram
 Imperius aspectum nectar deturbat in alvum,
 Emitteritque olida ructamina cruda popina.
 Subrisit Pelias: narem compescuit Idmon;
 Euvius increpuit nutu, & sermone benigno
 Non bene constantis vultum firmavit amici.
 Euge virum! ut vero placuit liquor? ille subaudax,
 Fronte supercilioque ad verticis ossa retractis,
 Est bonus iste cruor, quocunque è gutture fluxit;
 Vix melior pueri imberbis: si quis mihi porro
 Præbeat haud verear patinam sorbere secundam.
 Quod poscis dabitur: sed pocula jungere poclis
 Et turpe & nocuum. nescis bone, qualis in isto
 Sanguine savitia est; proprio te discere damno
 Non patiar: forte ex aliis sine crimine nosces.
 Ut vero patrias crassæ caligine mentis
 Ignoratis opes! hebeti tam grata palato
 Munera succiso de cortice sufficit arbor
 Obvia, nec sumptu, multo nec emenda labore;
 Sponte suos præbet lanianda securibus artus,
 Fundit & æternos redivivis fontibus amnes:
 Ceditæ, legitimos terræ bona vertite in usus.
 Ducite nec pulchrum humanis pinguescere venis,
 Et terræ sinibus serpentum more latentes
 Luce, virisque procul naturæ extinguere lumen:
 Sunt vobis hominum vultus, sunt pectora, nec mens
 Degener, intrepidaque animis ad prælia vires.
 Tot bona cur tumulo infoditis? de fronte character
 Huma-

Humana periit, nec quamvis sanguine pastis,
Sanguineus color est: tumido sed luridus ore
Pallor inest, oculiq; latent, discrimina nasum
Nulla genâsq; inter; facies vesica videtur:
Tempora nuda pilis, putri labra turgida tabo,
Et nigro trepidi promanant sanguine dentes.
Vix animam trahitis, nervis attollere costas
Non datur, injecto ceu pondere pectus anhelat:
Est piger excussis genibus gradus, & dapis alma
Nullus amor, sed humi juvat edormire veter-
num.

Hanc situs, & nunquam soli nec pervia ventis
Antra dedere luem, spurcôq; obsonia succo;
At magis ira Deum mensis accensa nefandis
Intulit immundam resoluta robore pestem;
Et jam barbariem luitis, potumque cruorem
Redditis impuro, qui vos infecerat, ore,
Ut moniti quæratís opem: sed nec bona vestra
Nec mala novistis; tantus stupor occupat ægros.
Cernitis accenso prognatum pulvere fumum
Nare venire senis velut exhalante camino?
Pulvis hic herba fuit: vobis vicina Tabaca
Nomine vix noto clarum dedit insula nomen.
Hinc finem sperate malis: tu cane Magister,
Cui naturâ parens rerum momenta suarum
Credidit, ingenium remedi percurrere, modumque
Nec differ miseris optatam afflare salutem.
hic, paulum tubulo amoto, flammâque moratus,
C Magna

Magna jubes, dixit: si quæ tamen auribus istis
Digna putas, dicam; detur modò vita, recénsque
Libertas miseris, pedibus quos fune ligatis
Ægrotos stabulis in fœdo stramine vidi.

Annuit Hæmatioës: solvuntur vincula claudis,
Prorepunt geminis nixi, sua quique gerentes
Ore mala, & lucem veriti tetigisse supremam,
Vultibus obscenis lætâ ductantur in aulâ.

Non tenuit lacrymas vetulus Pater. Eia sodales
Vivite, ait, vitam meliori at ducite fato:

Nam licet, & dabitur: latet isto condita buxo
Vestra salus, modò sit servari certa voluntas.

Tu miserande Senex, muriam pro sanguine venis
Qui generas, cui crura labant luctante podagrâ,
Purpurei stillant, hebetésque arctantur ocelli,
Cæcus eris, si spernis opem, sed ab arte medelam
Sufficiam; & tumidis albo suffamine buccis

In pileum nebulam inspirat, vultúsque seniles
Protinus includit junctis ad tempora limbis.

Excipit ore senex mordentes lumina fumos,

Et patitur jussus spe consolante dolorem,

Exprimit imbrem oculis, videt acrius omnia circum

Plenius admissa deterfis luce fenestris.

Atque potest adeo salebrosa in nare Magistri
Eminus extantes oculo numerare pyropos:

Namque rogatus uti in naso quæ cerneret, & quot
Diceret, ostendit digitos, &, fraga tot, inquit,
Aspicio in nostris nascuntur qualia sylvis.

Ilia concussit vetulus, risere sodales.
Dignus es articulis sine nodo: age fugito, dixit,
Claude labrum, & laxis expira naribus auram:
Sugit, & expirat; sed porro injussus, ut antrum
In gyros volvi, & turbari ructibus alvum
Sensit, humi recubans confertim cruda remittit
Frustra, & multiplices, quas ante voraverat, offas.
En podagræ exitium: sic fonte revellitur ipso
Succus edax teneros rodens sine dentibus artus.
Hoc bis agas, quum luna latet, cumq; orbe recrevit
(Tum latebris turgent succi, tum mobilis humor)
Post læves patinas, & prandia pinguis omasi.
Sic ubi cisternam illuvie, primamq; cloacam
Terferit, humores ablatis facibus ibunt
Purius, articulis blanda, & sine sorditie acri
Nutrimenta fluent, quo nec fœcunda malignis
Reliquiis acidi pungentur acumine nitri,
Torta nec in duram concrecent vincula cretam:
Tum levitate pedum Satyris certabis, & ipsas
Sponte tua poteris saltu ductare choreas.
Quod si pauca tamen falsæ vestigia labis
Exuperant, hausti blanda torpedine fumi
Vanescunt, nec hebes sensus, velut ante, dolebit.
Hac ope non podagræ tantum cruciamina cessant;
Sed porro coli rabies, sed volvulus atrox,
Gutturis & fœdæ tollent discrimina sedis,
Et capitis clavus, & sibilus auris adurens
Mitefcunt subito, nec post injussa recurrunt,

Si modò quis constanter amat, nec jurgia curat
 Conjugis in fumum infontem maledicta vomentis,
 Oscula quod vitiet, nitidas & conspuat ædes.
 Vir fuit antiquæ fidei, nec moribus asper,
 Æquoreas habitans morboſo in littore ſedes
 Labe nova infames; quos ceperat acre venenum.
 Frendebant medio terebrati abdomine, mox ut
 Repſerat extremos morbi violentia in artus :
 Tenſa velut valido membra omnia fune rigeabant,
 Nec vis ulla ſuper, nec motus ulla facultas.
 Ille malo arreptus, Phœbeas jugiter artes
 Implorabat inops, dedit & medicamina Phœbus
 Nequicquam, at ſolitis conatum luſit in herbis,
 Dunec inauditam melior fortuna medelam
 Præbuit, & ſacili reparavit damna Tabaco.
 Inde colit niunus Divûm, multòſque per annos
 Obtinet illæſam fumo conſtante ſalutem,
 Cum prius incerto vitæ, tremuliſq; lacertis
 Importuna lues, necdum ſuperata rediret :
 Nempe ſalis pungens acies obtuſa ſopore
 Deſiit in molles mucronem intendere nervos.
 Sic ubi radicem dentis deterrimus humor
 Vellicat, ardentemq; inflavit tubere duro,
 Qualem offert nucibus conſcluſis ſimia buccam,
 Fumus in os veniat, parvòq; ut tempore clauſus
 Manſerit, extemplò, gemituſq; tumorq; recedent.
 Sic aliæ migrant afflicto è corpore peſtes,
 Quas mala conceptæ ſaluſuginis aura creavit.

Labentes

Labentes pluviae sublimi è fornice tecti
In teneros folles, quibus insita flamma movendo
Vivit, & in numerum flatu modulante, fovetur,
Densata in media pendent regione, forasq;
Ante, levis quam sit membrana arrosa, feruntur.
Quid referam tumidas fauces laqueumq; latentem,
Hellucum, & subita dubios vertigine gressus,
Clangorasque brevi minitancia flumina nares?
Omnia mulcentur fumo, si provida cura
Maturat, seras nec opem producit in horas.
Sunt, quibus occultis mordax contagio membris
Offecit, seu spurcicies nitrosa canales
Raserit urinae, vel apertum facibus anum:
Hinc quoque luctifico requiem sperate dolori
Qui matulae ingemitis, qui clavos inter acutos
Horrida Caucaeï depingitis ora Promethei.
Non ego vaticinor, Parnassi aut somnia fingo;
Nota loquor, quæq; ipse prius crudelia sensi,
Quam facies Pati mirandaque nota foret vis:
Namq; (fatebor enim) luxu transacta juvenus
Cum Baccho, Satyris, & suavi isto comitatu,
Hic illic vetulo rimas in corpore fecit,
Subjecitq; malis, quæ magna est nosse voluptas,
Sanasse utilior, nostròq; probata periclo
Certius in populi juvat usurpare salutem.
Sed quia par cura est tristes expellere morbos,
Et validos servare habitus, quæ cautio sanis, (sunt.
Discite, quisve modus, nec enim omnibus omnia pro-

Oderunt alii naturâ, ut triste venenum,
 Deficiuntq; animo ad folii fumantis odorem :
 Stultè alii damnant, novitas quia displicet omnis,
 Quod sine Pato atavi meliores stirpe sequenti
 Concessum à superis egere salubriter avum.
 Abstineant ambo: nec enim pugnare decorum est
 Naturæ, aut re Ætam invitis infundere mentem.
 Si quis amat, sapienter amet, nec Simius alter
 Consilio, & sine fine aliorum irrumpat in actus.
 Sunt qui fumū ideo, ut potent tantummodo, potant,
 Urbanos inter ne non habeantur amœni,
 Profit ne an noceat sibi sus deq; ferentes :
 Rusticus ille, malusq; pudor: nam vel juvat haustus,
 Vel lædit; teipsum noscas, & idonea fumo
 Corpora, ne sero tandem tua damna queraris.

Si cui grande caput prostanti fronte rotandum,
 Lati humeri, pectus patulum, torosaque membra,
 Sub cute obesa caro, pituitaq; multa palato,
 Is bibat impunè, & repetito indulgeat haustu,
 Si libet, & justos sumendi respicit usus :
 Parcius attingant graciles, quibus ardua cervix,
 Frons angusta, caput minimum, præcordia pressa,
 Excarneiq; genæ, & pauca mucagine nares.
 Ollis spirituum ut brevis est annona cerebro,
 Obruitur facile conferti aspergine fumi,
 Haud secus ac nebula hyberni caligine solis.
 Compositi validis biberint si largius æquo,
 Occupat ignavos torpor, defessa quietem

Membra

Membra petunt, nervis velut ex ætate solutis,
Mane tremunt, altaq; obeunt in luce soporem.
Quod si præterea roseus color inficit ora,
Et subeunt tusses, & densus anhelitus, illum
Ejurare tubos jubeo, carosque sodales,
Ne redimat nocuos vitæ discrimine lusus.
Illi pulmo flagrat, putræve uligine turgens
Febrim corde fovet, lentoque absolvitur igne.
Sed si tantus amor fumi, nec tendere contra
Vota libet, cæco ratio sed cedit amori,
Bechion arentem sumat, fumumq; capeffat,
Non metus hinc fuerit, sed spes non vana salutis :
Nec moderatus. n. accendit calor, at levis aura
Ulcera desiccat, saniemque è pectore ducit.
Denique si qua vehit tectam causa abdita tabem,
Seu mala per totum diffusa injuria corpus,
Seu cita febris erit, læsi vel visceris æstus,
Ah! tibi ne tanti sit perniciofa voluptas.
Declina illecebras, & quamvis parcere durum,
Parce tamen, certæ & caveas auctaria cladis.

Est etiam quandoque, ut, qua data porta, subinde
Erumpat sus deque cruor, lethrumq; minetur,
Et vomitu ruat, & laxis fluat alvus habenis :
Quicquid contigerit, feralia pocula mitte,
Nec liceat nocuas immittere faucibus escas:
Sanguinis hinc fluvii crescunt, vomitusque ferocit,
Vitæque disjectis tandem cum facibus exit.

Judicio hic sistor rationis tollere visus

Quodⁱposui: nam si Pati gravis herba soporat,
Et sopor excrementa tenet, damnatur iniquè
Quod juvat & laudem meruit; bene præmonet, in-
quam,

Quisquis is est, nodum neq; dissolvissè pigebit:
Hunc ergo jubeo in mentem revocare, quod olim
Sanximus, adversas simul hic subsistere vires;
Nempe sale hinc stimulat naturam pellere tardam,
Ac veluti vivis pigram calcaribus urget:
Parte alia exhalans nebulofo sulfure iomno,
Sistit, & effusam facili compescit habenâ.
Ac velut indomitus sonipes juxta ilia fossus
Evolat, & fræno deinceps parere recusat;
Sic ubi depultrix validè movet, & retinendi
Vis labat, ut leviter tacta est, ruit impete multa,
Nec motam retinere leve est, nec tollere lapsam,
Et magis effluxisse nocet, quàm clausa manere:
Usque adeo multum est rerum momenta modúmque;
Temporâque, & quæ sit cunctis natura, tenere:
Sic virtus viget ipsa, viget quoque corporis ætas,
Utraque deliquio tandem nimioque labascit.
Nil melius vino; vinum tamen omnibus æquo
Non datur in cyatho, nec fugitur omnibus horis;
Immo etiam quandoque necat, quandoque furorem
Suscitat, interdum rationem largior haustus
Obruit in spatium, quo mobilis orbita cœli
Volvitur, inque locum redit unde exiverat ante.
Solvitur interea striculis nisi crapula vinclis,

Ebrius

Ebrius expirat, saltem expirasse putatur.

Haud procul exemplum : nuper Satyriscus Adonis,

Dum tua festa colit, rex O Lenæ, sepultus
Et vino & somno, sub terram ut mortuus ivit ;
Postridie effossus vitæ manifesta receptæ
Signa dedit, capite effracto, manibûsq; cruentis.

At miser adversus mortem cubitôq; genûq;

Conflgens, animam clausa colliserat arca.

Quid tam funestum nostræ adversarius arti

Objiciat ? nulli, quantumvis multa, obeundi

Causa fuit, mentem nulli, quod constet, ademit.

Contra lætitia in magna, dum pocla salutis

Ordine discurrunt, si quis temerarius audet

Jura insana sequi calicum, pugnamq; laceffit,

Ne titubet ratio, aut gressu titubante vacillet,

Arripiat tubulum, medicam intermisceat auram,

Surget inoffenso vultu, bene condita verba

Sobrius exponet, fumi dum nescia turba

Instabilis prodest vibrantes fronte lucernas,

Et gressu insolito dabit irrisoribus ansam.

Nempe tuus fumo, Bis nate, retunditur ignis,

Mobilis & rabies blando torpore quiescit.

(Nec ferat invidiam quæ dat tibi copula laudem)

Non melius lapidi Herculeo Chalybûmq; metallo

Convenit, optatum quam quærunt vina Tabacum :

Sic operas præstant inter se, junctæque multo

Nobilibus sapiunt, quam degustata seorsim.

Denique

Denique mortales, quantum est, conducit in usus,
 Nec quicquam, ut suis occisi, non utile; flammæ
 Qui superat post fata cinis rubigine fœda
 Defricat, & flavos facit excandescere dentes:
 Fumus & ipse (novum auditu) consistere jussus
 Paret, & emissus per conniventia labra,
 Ore manu impresso, fulvum densatur in unguem
 Virginibus carum, quibus à serpigine longa
 Prurit scabra manus, manantibus undiq; rimis;
 Levigat admotum, & splendorem inducit eburnum
 Non sine portento; nec parvæ gratia constat.
 Namq; per arcanos penetrabilis aura meatus
 Cor quatit, & stomachi vinculis utrinq; solutis,
 Æolium ventis subvertit olentibus utrem:
 Sed vita incolumi, ridentibus affatim amicis,
 Inde m-tus tutos, decus inde doloribus emptum,
 Jam bona decerpfi: nunc si quæ incommoda ab usu
 Obveniunt, seu sint verè, seu vera videntur,
 Expediam, longâ nec vos ambage morabor.
 Insimulatur enim, claræ quod mentis acumen
 Obtundat, specièsque locis positûq; decenti
 Confundat tenebris, & nigra oblivia ducat:
 Crimen atrox; sed quod vel prava calumnia finxit,
 Vel bona simplicitas: non est, quia non potis esse:
 Immortalis enim cùm sit mens, ortâque cœlo
 Portio, corporeis non est obnoxia damnis.
 Actio recta quidem, si lãditur instrumentum,
 Lãditur ad tempus, causâ durante, sed ipsa

Mens

Mens intacta manet, quanquam, ceu nubibus atris
Circumfusa latet, radiósq; occultat inertes.
Non aliter Phœbi quam lucida tela Dianæ
Intercepta globo, vel tegmine nubis opacæ,
Tempore non longo nostris tolluntur ocellis;
Nec minus ipse tamen sincero candidus orbe
Ardet, & innumeris lucem communicat astris:
sic animo nulla est, animi nisi crimine-labes:
Desidia, & luxus, levis inconstantia, & ira
Ingenium obtundant, lumen rationis inumbrant,
Permiscéntque notas tabulis, & nomina delent,
Quilibet id meminit quod amat, crebróq; revolvit.
Da mihi de multis fumi potoribus unum,
Creditor, aut plenæ cui sint oblita crumenæ
Scrinia, desponsæ vel notum limen amicæ,
Et dabo de fumi multis osoribus octo,
Aut plures etiam, proprium cognomen, & acta
Hesternæ, & patriæ oblitos elementa loquelæ.
Scilicet aut nocuum virus, vel pestifer ignis,
Auc morbus subito sumens à verbere nomen,
Aut nimium palpata Venus vergente senectâ
Læserat officium cerebri, nec congener æthræ
Spiritus eversa poterat durare fabrina.
Quod si præstanti folio suppressa periret
Vis reminiscendi, cur tot prægnantia rebus
Pectora vastitiem quæsitæ laudis amarent?
Qualia nota, quibus nihil ignoratur eorum,
Quæ callere licet, quibus est dilecta voluptas

Condere

Condere res animo, populique astante corona
Condita mente prius memori diffundere lingua ?

At thalamos contristat iners, piger halitus, ipso
Castior, abstrusas partes qui fascinat, agno.
Audio fœmineas voces; nam mascula virtus
Laudarit potius rabidi sufflamen amoris.
Non hodierna quidem infirmi querimonia sexus;
Matronis odium est, ex quo Vulcania conjux
Frigore suspectam gelidis certare cicutis
Inferri in Cyprum vetuit Cytherea Paphúmq;
Bello nempè redux inter convivium Divum
Evius ut domitæ obtulerat nova gaudia terræ,
Jupiter ante alios, & cum Jove Mulciber & Mars
Atlantisq; Nepos, & nectare plenus Apollo,
Fumivomis olidam simularant naribus Ætnam.
Ridebant novitate Deæ, sed nocte sopora
Offensæ statuere suo depellere cœlo
Thessalicos ritus, vigilésque tenere maritos.
Ergo postridie simul ac fumosa supellex
Prodit, prima Venus cæpti manifesta protervi
Involat in mercem, buxiúmque & pulverem, & ignem
Tam facilis Divæ Superis mirantibus iras;
Subversos pedibus summo deturbat Olympo.
Sic lasciva Cypris infantiit: at Jove nata
Bellatrix, nemorum Virgo, Pindiq; sorores
Sparfas reliquias gremio legere, patrémque
Thyrfigerum obnixè nova supplementa rogarunt,
Subsidium & voto gratis retulere pudico.

Ingens

Ingens opprobrium verò, si Cypridis æstum
Temperat, imperium menti, membrisq; vigorem,
Virtutùmq; decus rarâ virtute tuetur :
Non extinguit enim nymphæ aut cannabis instar
Naturæ instinctum; sobolis nec munera tollit,
Fors numerum minuit; sed frano arctata Cupido
Quod demit numero, generis bonitate reponit.
Grande bonum, si vel tenuis fortuna parentum
Non premitur multâ prole, aut respublica gaudet
Fortibus & iustis potius quàm plebe frequenti.
Utilis hinc adeo senibus, primæque juventæ,
Frugalésque cado in summo sibi præstat, & imo,
Dum celeres flammæ, cinerésq; subinde repentes
Aut sedat subito, aut ut fusâ diluit undâ,
Stultitia facili canos, pubémq; furore,
Indéque prognatâ solvens vertigine Mundum.
Ne despecta tamen vestris prorsum exulet hortis
O dominæ ! in duris & habet sua commoda rebus.
Errantes uteros sursum trans septa ruentes,
Et tensum veluti ferientes ariete ventrem,
Si quando oppressus pulmo sublatus anhelat,
Deprimit, inque suas cogit descendere sedes
Ocyus, incumbens binum quàm centurionum
Pondus, & impositi densissima sarcina plumbi.
Porro nulla seni, si vitea pocula demas,
Commodiora dedit mater bellaria tellus,
Seu servanda venit naturæ annona fovendo
Humorem ingentum, suavem fundendo vaporem
Arenti

Arenti cerebro, pellendi aut sensibus hostes :
 Namq; aciem lippis actit; cui stiria pendens
 Nasum hebetat, reddit ficcata nare sagacem,
 Dissolvitque graves ventosa ex aure susurros,
 In mentem, ut melius sapientum dicta recondat,
 Colloquiisq; diem morosaq; tædia fallat.
 Quod si quis damnosa luens delicta juventæ,
 Nocte crucem scapulis gestat, somnumq; recusat,
 Hic quoq; solamen quærat, requiemq; labori;
 Non tantum sopor in venas obrepet amicus,
 Unde dolor cedat, sed, ne nox longa putetur,
 Somnia pulcra dabit, rerum & spectacula viva
 Offeret ante oculos, non qualia monstra figurat
 Torrida, bilis atrox, faba, lentes, cæpa; faselus,
 Alliâ, & altercum fatuum, manicumq; solanum,
 Si quis edit medio in somno spectare putabit
 Horrendas facies, confusaque sæcla animantum,
 Quæ nec sunt, nec erunt, Harpyas æquore nantes,
 Aëre Centauros, fissâ tellure Draconum
 Agmina, & ore nigro jaculantes Dæmonas ignem.
 Quin etiam in subita sibi tempestate videtur
 Æquore forberi, & motis luctator in undis
 Brachia anhelus agit; celsa modò rupe volutus
 In mare collabi sonitumq; excire cadendo :
 Latronum gladiis adigi, modò compede fractâ
 Adspicit exertis insurgere dentibus ursum,
 Auxilium inclamat nonnunquam vocibus altis,
 Interdum gemitu, donec formidine somnum

Excutiat

Excuiat, puncto necis exporrectus in ipso,
Exanimis, gelido perfusus membra madore.
Longè aliter pictis nocturna aula figuris
Lætificat nostro eductus suffimine Morpheus,
Sensibus internis Naturæ congrua fingit
Privato & genio; quæ quisq; in mente revolvit
Luce vigil, vel amat, gratissima nocte recurrunt.
Aulicus, orator, medicus, mercator, agyrta,
Navita, piscator, miles, auriga, poëta,
Agricola, & pictor, cerdo, patronus, amator,
Sopiti peragunt consueta negotia, non ut
Sponte rudes cernunt dubitanti lumine formas,
Vel nuper natam per euntia nubila lunam,
Esse putant quodcunq; vident; non segniter aurem
Incondunt dictis, atque enthymemata cudunt;
Ædificant versus, clare quos manè fatentur,
Atque alia expediunt alii, ne somnia credant
Esse, nec affinem morti, nisi nomine, somnum.
Non lethæus enim est opii sopor, omnia ferreis
Interiora ligans, inmota ut lege, catenis:
Non etiam ambiguae turbatrix umbra cicuta
Sensibus injiciens illulis frivola vincla,
Quæ nec mota tenent objectis membra figuris,
Nec penitus vigilare sinunt: sic altera Baucis
Et conjux teneras cœnati forte cicutas
Effoslas in agro, quas falsi ab imagine formæ
Crediderant siser esse, aut notæ Baucidis herbam,
Postquam sessa humili posuissent membra grabato,
Nec

Nec vigiles, nec adhuc somni sub pondere victi,
Exiliere toro, prior hæc, mox ille, vagatiquæ
Atria per tugurî brumali nocte, rigentes,
Attoniti pariter, deliria mira stupentes,
Livida de trabibus retulerunt membra grabato.
At sopitus homo claro spiramine Pati
Gaudia pacificæ noctis transacta retractat,
Et vigil ad solitum redit aquâ mente laborem,
Si modò laudatum fuerit, non vile, nec arte
Fictitiûmq; dolis; nâmq; omni electa Tabaco
Non eadem est bonitas: generosum ab origine prima
Asperum erit, densum folio, pullûmq; tuendo
Jucundum longè & latè diffundet odorem
Permistum viola, aut aura radicis Etruscæ
Incensum referet gustanti ritè palato
Assyrium Asphalton, cauti vel Castoris orchin :
Quod folio tenue est, Autumni frondibus æquum,
Quale in Virginia, & Bormudæ nascitur arvis,
Abjice, & aurigis sænum, nautisq; relinque :
Pungit enim tunicas oculi, cerebrique volucra ;
Qui bibet, ille graves ad opus mirabitur armos.
Pandiculator erit, malas diducet hiantes,
Et, nisi acuta fames stimulat, projectus ad ignem
Gaudebit seram stertendo adducere noctem.
Ante alios fugite ô Musarum sancta propago,
Qui veterum è chartis Sophiæ defossa metalla
Eruitis vigiles, deprensam per sua signa
Profligate scelus mangonum, & tradite flammis.

Est

Est qui delicias alieno ex orbe petitas
Captat adulterio, dum, quam Scythia fuste peremit,
Miscet odorata tabum feralis capellæ.
Scillam alius marathri jungit, vel pinguis anisi,
Chalcanthive notam, quæ linguæ affusa saporem
Exhibet, ut Lybicæ mixta melligene cannæ;
Omnia damnosè, ne dicam molliter: artem
Qui Naturæ adhibet, matris nisi consulat ora,
Turbat opus, non addit opem: quod si tamen unquā
Lascivire libet, laudiq; adjungere laudem,
Sumite lignum aloes, cujus levis assula pleno
Fixa tubo totum fragrans perfundet acervum,
Et cerebri ventres grato recreabit odore.
Sed neq; congestis dapibus conjungite fumos:
Inde coqui turbatur opus, sic claustra superne
Ostia pulsantur, tum semielixa deorsum
Fercula succensens mittit, quæ didita chordis
Seditionem alvo ventosaq; murmura miscent,
Sudum animo & placitis populata laboribus horas.
Perniciosum etiam nudato admittere frigus
Vertice, vel vacuo Pætum potare camino:
Verberat aura cutim, reclusa foramina stringens,
Trans galeam teneras convellit acumine fibras,
Et capiti pondus, horrorem crinibus addit:
Neu libeat solum calamo indulgere, nec ultra
Luxuriando modum cerebri complere cavernas;
Alternis sumatur; amant alterna Camcenæ,
Confertum natura fugit; tibi terminus esto

D

Vertigo

Vertigo occipiens, quæ, ni simul orta recedit,
Addibe lene zythum, vel aperto sub Jove frigus,
Omnis & exigua sedabitur arte tumultus.

At postquam capitis modulum cognoveris, intra
Fines curre tuos, nec te quæsieris ultra.

Naturæ quisquis servaverit ordine leges,
Ille mihi sanus, sapiens erit, atq; beatus.

Talia ludebat Vetulus: narrantis ab ore
Heroum resupina cohors suspensa silebat,
Docta quidem vires, sed inops tam nobilis herbæ
Progeniem optabat, renovandi & seminis artem.
Blæsus at ille siti, somnôq; propinquior, uno,
Sed longo niaduit, subito quoq; stertuit, haustu.
Nos veniam fati, fessi licet, & sitibundi,
Absolvemus opus, & quæ Silenus omisit,
Summa Tabacophilis culturæ arcana canemus.

Principio, ut messis respondeat ampla labori,
Sume medullosum g: neroso è germine semen,
Cui folium oblongum, crassum, nullôq; pedunclo
Inferitur trunco, sed ab ipso stipite surgit.
Proxima cura loci; tam strenua planta recusat
Segne solum; felix animoso crescit in agro
Qualem vitis amat: colles, objectaq; soli
Arva legas, ubi terra levis, non marga ligoni
Obvia, non argilla tenax, non obsita mulco
Tesqua, nec impresso flentes sub vomere glebæ.
Ne tamen egregiæ quantumvis indolis agrum
Bis sere, si plenæ ducit te gloria messis.

Prima rapit foetura animæ quodcunque virile est,
Effœtâq; uterum delumbem in matre relinquit.
Verte solum, sedesq; novas adscribe quotannis
Hospiti inexploto, fessis gratissima sulcis,
Dum permissa quies pingui latamine robur
Sapplear, exhausta & genium per viscera fundat.
Nactus agrum urge operas; ne sit solertior alter
Ordine descriptis spatiis pertundere terram,
Ternâq; vel plura in parvum dare grana foramen;
Divisa æquali ut vegetabilis aura tenore
Inferat æqualem folia in ventura vigorem.
Quod si cassum aliquod fallit, vel cedit in escam
Muribus, aut rostro fodientibus omnia talpis,
Spes de relliquiis superet; si sospite turba
Densior ortus obest foliis, tabesq; timetur,
Videris ut crebram tellure exurgere gentem,
Thrax esto, patriæ leges imitare severas,
Imminuas numerum, multisq; e fratribus unum
Linque solo, vacua melius quo crescat in arêa,
Attrahat & plenum nutricis ab ubere succum:
Mox ubi pingue solum, longiq; in tempore soles
Luxuriem foliis dederint, in caudice robur,
Tempus erit terræ vicinas stringere frondes,
Major ut in summo claudatur cortice virtus,
Et ferat à justo bonitatis iudice palmam.
At ne præcipientes messem; ut nigrescere semen
Cœperit in calico, & folium mutare colorem,
Arma para, & cultros: vindemia nobilis instat,

Et merces operæ; lûces optate serenas
 Pæticolæ; nec enim folio minus officit imber,
 Quam September obest maturis humidus uvis:
 Tunc metè: dimidia est tibi jam decursa laboris
 Meta; quod hinc restat, curâ hand leuiore gerendû:
 Frustra etenim studium omne fuit, generisq; soli;
 Gloria, ni summo veniat spectabilis actu.
 Hic duo sollicito tibi sunt curanda labore:
 Absumendus aquæ, genitor putredinis, humor,
 Ne fimus è folio fiat, mox spiritus & vis
 Ignea, quæ pingui velut abdita dormit olivo,
 Excutienda, suos & deducenda per artus.
 Ergo, ne ætheream Sol fervidus hauriat auram
 Sub tecto, longa suspensa è cannabe paulum
 Arescant folia, & parvo post tempore strata
 Congere acervatim, calor ut collectus ab imo
 Turgeat, & cæca distendat ad extima vires.
 Sic cumulata tepent primo, tepesacta tumescunt,
 Mox oritur sudor, sequitur nubesula fumi,
 Et, nisi destruitur moles, transibit in ignem,
 Ut portata domum, nondum satis arida plaustris
 Gramina constipata flagrant, tectisq; minantur.
 Tu disperge struem, suspende, iterumq; repones
 In cumulos, seriémq; tui pervade laboris,
 Dum fervendo animæ veniat vis omnis in actû,
 Siccando & maneat, neq; diffundatur in auras.
 Hîc oculis opus, hîc ductu rationis & usu:
 Nam brevis est nimis, brevis est quoq; linea pauci;

Et

Et gaudet natura modo; sed si tamen usquam
 Peccatum, ut possis culpam sarcire, docebo;
 Non ardente mero, aut muriâ, non melle, minúsque;
 Auxilio matulæ, mangonia qualia tentant
 Caupones, pretii quibus est odor ante salutem;
 Subsidium ex ipso posces; prælo exprime succum
 Vilibus è foliis, quæ dextræ incuria passim
 Præteriit, tepidâque, finas spumescere in ollâ,
 Decrepitum immergas labro reddésque; juventa.

Hæc sat erunt: jam quære ratem: merx ampla co-
 Angebit census, & vectigalia regum, (loni
 Mercantum & oculos; naulum fortasse medenti
 Auferet, autumnos populo factura salubres.
 Forte etiam è furca donabit prandia corvis,
 Cessator si pauper emit, meliúsque; locandas
 Diffat egestatis vicinæ improvidus horas:
 Sed bene dum modò sit frugalibus atque modestis,
 Turba perire volens, pereat; quicumque salutem
 Abnuat, is careat, nec rerum subruat usus.
 Cui mala lis, ratis in pelago, præpostera conjux,
 Aut dolor impatiens, nutans aut debitor æris
 Eripiunt somnos oculis, animoque; quietem,
 Is faciles leni folio debere fatetur
 Inducias, meritamque; refert pro munere laudem:
 Quotquot in adversum iudex morosior æquo
 Evomit ampullas, ventis mandamus, & undæ;
 Orco devoveat, mox subventanea furvi
 Dæmonis ova vocet, placando & idonea Diti,

Persephones mulsam, Furiarum thus & odorem;
 Et de Crebereâ germen lethale salivâ;
 Ridemus titulos, & verba poëtica pleno
 Guttore laudamus, similique reponimus arte.
 Si quis amans veri nobis dissenserit, author
 Consilii alterius, quod pectore claudit, in albo
 Scribat, & hos sensus rectâ ratione refellat.

Raphael

nov
 [sch
 M
 at,
 rem
 forte
 suar
 tum
 aliqua
 dia p
 scena
 quid
 etur.
 ices,
 deo
 ms est
 no fer

Raphael Thorius

D. Constantino Hugeino Equiti, &c.
S. P.

Nescio equidem, Vir Clariss. quae vos isthic
agitant Phœbi intemperia, ut volentem
nolentem ad vestra sacra pertrahatis. Vis
est hæc quidem. Assentior tamen *ἔκων ἀ-
κωρτί* *ὑπομῶ*. Obtinuit jam à me clarissimus D. Kin-
schotius, quod tu nunc amoris violentiâ extorques.
Misi illi ante dies octo utriusq; Parilufum. Prode-
at, quando ita vultis, sed indemnem prestare antho-
rem memineritis contra magistros morum, quibus
forte in hac atate argumenti levitas ridebitur; &
suaviter. Graviores quidem habebam, tum Ethica,
tum Theologica. Quæ, si vobis salivam movissent,
aliquanto libentius exposuissem. Quod si hæc pralu-
dia plausum invenerint, non recusabo ulterius in
scenam progredi, vestris auspiciis fretus, ut quic-
quid in utramvis partem ceciderit, id vobis impu-
tetur. Interim, quoniam jacta est alea, & fracti o-
lices, ex tuo rogatu mitto lusum tertium, non usq;
adè à prioribus, nec à tempestate, alienum. Hy-
ms est: quæ si frigida videtur, veniam secum de
uo feret nomine. Comitetur Patum, aut sequatur, si

non disconvenit. Si tibi, si Rutgersio, Heinsio, Kin-
schotio placet, gratulabor quidem, at inuidebo pro-
li felicitatem, quam ipse sibi pater exoptat. Pictu-
ratam frontem vidi, & visi inventoris ingenium,
qui tam hene res confert conjunxit. Ceterum, quod
felix faustumque sit Republica, videat lucem no-
ster ludio, ut inde hilares magis latentur, tristes re-
creentur. Certe mira est hominum natura, quibus
in senio placet puerilitas, & in gravissimis periculis
leporum suavitatis: at, modo sint condimenta, non
cibi, veniam (spero) invenient apud Iudices non ni-
mis barbato. Vale.

Londini 26 Febr. 1625.

IN



IN

HYEMEM

Doctiss. R. Thorii

D. M.

Sic Medicè decuit, sic se curasse Britannæ,
 Post fumos nidore frui, meliore culina
 Post lachrymas, avidaque irritamenta saliva,
 En ego me, THORI, convivam sisto, vel umbram,
 Qualemcunque vocas; juvat in tot fercula fundi,
 Et faciem variare gula; juvat esse lepores
 Et lepores; juvat omne tuis condire meracis,
 Brumalésque dies, niveas, te iudice, noctes,
 Noctibus & dubias confundere solibus umbras;
 Tu modo livor ades, nec prandia disce Galeni.
 Semper fatida, nec puta Permesside semper
 Pascier, aut solo vesci nidore Poëtam.
 Hem! tales nec aqua pariunt, nec aduvia Brumæ.

CONSTANTER.



In ejusdem

H Y E M E M.

Fumus habet finem, nec enim omnis nubibus istis
Discedit conviva satur, diversa palatis
Diversis sapiunt; hic apponuntur amicis
Brumales epula, doctus sermonibus hora
Falluntur; solvit, sua per convivia, frigus
Thorius, & ventrem pariter cum lumine pascit.
Non opus est dapibus, parvisve paratibus oret,
More suo, veniam; dat condimenta palato
Grata omni, novis quibus est jus aptius herbis.
O utinam, Thori, vestris mihi posse daretur
Colloquiisque frui, lautisque accumbere mensis!
Nil ego contulerim tam docto sanus amico.
Fallor! an & mensis adsum conviva secundis,
Hoc erat in votis, cenantibus inter amicos
Dulce mihi furere est; nec enim magis ulla palato
Grata datur, quam qua condita leporibus, esca.

LUD. à KINSCHOT.



Ejusdem

HYEMS.

A Mnicolæ vates, clausis quos adibus algor
Misit in exilium, duris & rebus egestas
edibus ignotis locupletum ad limina vilem
Mendicare jubet gemebundo carmine victum,
Incolumes si qui tanta de clade supersunt,
Pectore si quis adhuc niveo calor insitus hæret;
Dicite jejunum peregrini carmen olores.
Et me tangit hyems; noster quoque friget Apollo;
Forsit & plectro frustra ostia celsa potentum
Pulsaret, miseras supplens nisi filius artes
Arte minus sterili vacuos sarciret hiatus,
Et, radiante pyra jussu fervere lebeti,
Ubere perfusos apponeret unguine caules:
Ille Patris citharam obtendens, dum bruma salubris
Publicat inducias, nostris & bella crumenis,
Ante focum impellit gelidos effundere versus.
Flat Boreas, albert montes, stant flumina ripis,
Fit nive nigra dies; Sol ipse in nubibus alget
Festinus cubitum, vel saltem algere videtur,
Cornibus illustrat dum Luna micantibus Orbem:

Barba

Barba gelu concreta sonat; flent lumina vento;
Interea ore strepunt dentes, rigor effertus ungues
Lancinat, & prohibet plenas emungere nares.

Mitte puer lusum in glacie, ne lubrica fallat
Area, & averso vitreum caput intonet ictu,
Cum natibus referasque domum pendentia crura.
Ingere ligna foco, tremulis & vellera lumbis:
Marmoream Cererem, lapidosaq; frusta Lyai,
Atq; humilem mensam splendenti appone camino.
Prima domet stomachū glacie domita ipsa fremente
Brassica, sed multo quæ surgat succida lardo:
Delicias putres callosa volumina verris
Non moror; obtineant crassæ suæ filia nares
Cretensi mergenda mero, rabidōq; sinapi.
At potius frxis succidia juncta vitellis,
Et veniat pleno gallina juvenula ventre,
Non adiposa situ, sed pasta filigine sicca,
Quæ numeret varios utero prægnante nepotes:
Mox fument patinis jejuno frigore pingues,
Nunc viles epulæ, turdi, regalia quondam
Fercula, felici multum curata Lucullo:
Sed mihi res pretium rebus, non copia, ponit.
Heus! ubi avis rostrata, sapit quæ podice longe
Splendidus, quàm vel cerebro, vel pectore? crusto
Excipe collapsos pendente liquamine lactes.
O gula! quàm docilis, quæ mandere discis oletum!
Obsessa gravius quid in urbe suavit egestas?
Suadet frigus edax: brumali frigore fervent

Viscera,

Viscera, & immensa consumunt omnia noctes.
 Tarde puer nondumine suo resoluta liquori
 Vina audis? & jam arripuit prope flamma lagenam:
 Tantalea hæc pœna est, medios glaciata prope ignes
 Inter vina sitis; magna est patientia virtus.
 Facta, heu, vappa merum! penetrabile frigus,
 Accusate; gelu effecit, non sordidus hospes.
 Hic genius Galli; nec frigora ferre, nec astum
 Mobilitate potest: da succum vitis Iberæ,
 Solstitium & brumam, longos & despicit annos;
 Imperiosus ac est; ridentem admissus amicum
 Suppeditat, summa petulans dominatur in arte,
 Et miscet tragicos hirci de lacte tumultus.

Huc ades ades ô pincerna! viden' illum rubicundis
 Naribus, in lævam pendet cui pileus aurem,
 Irato & similis clamorosus intonat? illi
 Parcius affundas, & raro, & aquare memento.

O Socii, spinas verborum Academia tractet:
 Nos animo curas evellimus: otia nobis
 Coelitus ista fluunt: en delitiosa refundit
 Dona parens Tellus; corrumpimus omnia fastu.
 Parcite Chryippo; Teia locus aptior umbræ.
 Nil fuit ingenio cerebroso invictius inquam.
 Ferte dapes famuli; facit aspera prælia mensa
 Longa hyberna fames, caribus rabiosa, lupisq;
 Os solido offendens steriles dimittet elenchos.
 Mittamus salebras, trivias, & plana sequamur.
 Aspicite, ô juvenes, ut tempora prima verentur

Postremas

(4)

Postremas hyemes, ut in unum congerit annus
Divitias omnes, ventri quas donet avaro,
Sic ferere in canos mandat Natura juvenæ
Rem, famulos, sobolem, doctrinam, nomen, amici
Ut stans multiplici tibicine curva senectus
Mollius in dorsum letho sternente recumbat.
Rugis apta quies: hyemî domus optima: nulla
Machina me currum vel equum sustollat in altum,
Jumento ut rigido accrescam, ceu milite saxeo
Horrebant quondam statuis & equestribus Alpes;
Suaserit aut tali navem conscendere cælo,
Non si pontivagi invitet fortuna Draconis,
Spondeat aut reducem ex Indis abducere classem,
Mutus & angina hæredem me scribat Alestor.
Westphalus hybernos saxis petit & maledictis
Caupo viatores infano sidere tactos,
Cogitur ut precibusq; minisq; exire grabato,
A socia & lecti fumanti surgere porca:
Cogit eos pariter nudo decumbere plauistro,
Ursamq; & plaustrum, & stellas numerare micantes
Corculum in hoc sapiens, ad cætera fungus inanis.
Omnis in opposito est Batavi sapientia, ne quis
Rugosum Occiduo citius piper inferat Orbi,
Regna petit Borea, vastis ubi noctibus errans
Naturam oppugnat trabibus, perque invia tundens
Claustra viam, aternâ glacie præcordia durat,
Marmoreum pelagus sicco pede calcat, in ætam
Esurie advectus, ne vitam in nave relinquat;

Utque

(5)

Utque nives vitet, niveis se moribus abdit,
Nunc urfos pascit, capto modo pascitur urso,
Mustelam aut prandet, vulpis vel terga ligurit.
Gaudia neu tandem festis regalibus absint,
Sortibus electum glaciata in regna sodalem
Proclamant, gelidum quoties delibat Iacchum,
Sic tenebris segnes durant, nivibusque sepulti
Expectant reducem Phœbum, fluctusq; sonantes,
Ut patriam repetant rari, laribusq; reportent
Dimidias aures, lapsique foramina nasi,
Præteritos casus dicturi astante corona,
Castaneas sparso dum volvent igne crepantes,
Et tumidas jungent ad singula pocula dextras.

Quis peregrè excurrat? tutò vix itur in urbe,
Per lateres tanto vehemens furit Æolus æstu.
Hem muri titubare, nisi titubo ipse, videatur.
Libate, O Socii, & vino mulcete procellam :
Roribus irriguis perhibent mitescere ventos.
Nemo casam repeter, positis nisi turbinis alis.
Portentum est, quoties saxis pluit : in sua nemo
Fata ruet, medico cœnam præbente, sed iræ
Impatiens si quis properat, tantisper ad ignem
Assideat, dum Scriba venit vicinus; ut illo
Teste palam scribat, testamentumque sigillet.
Tunc abeat, sed ne per tela incedat inermis,
Induat invictam hanc galeam, quæ sorde rubenti
Incrustata novem è clavo per lustra pependit,
Et fluitante anima capitales arceat ictus.

Ni

(6)

Nil sincerum homini fundit Natura: voluptas
Et metus unà habitant: sunt qui corpuscula curant;
Expediunt animas alii poscentibus undis,
Sanguinis aut avidis per vulnera cruda propinant:
Pace Britannus ovat geniôq; illustrat alutam;
Gallia flet, patrios Aquitanus inebriat enses,
Nunc silet aura omnis, ventis modo tecta ruebant.
Somnum adeunt inopes chordis vocalibus: at vos
Ite domum saturi, nec frigida strata timete,
Vos, quibus intepuit viva sartagine lectus.

FINIS.

D
T 1040

131114-5

REPRODUCED FROM THE COPY IN THE
HENRY E. HUNTINGTON LIBRARY

FOR REFERENCE ONLY. NOT FOR REPRODUCTION